

Službene novine Federacije BiH, broj 22/21

Na osnovu člana 35a. Zakona o početnom bilansu stanja preduzeća i banaka ("Službene novine Federacije BiH", br. 12/98, 40/99, 47/06, 38/08 i 65/09), a u vezi sa čl. 8. i 15. Statuta Agencije za privatizaciju u Federaciji Bosne i Hercegovine ("Službene novine Federacije BiH", br. 76/15 - Prečišćeni tekst, 35/18, 41/18 i 71/20) i na osnovu Zaključka Vlade Federacije BiH", broj 1787/2020 od 28.12.2020, Upravni odbor Agencije za privatizaciju u Federaciji Bosne i Hercegovine, na 4. elektronskoj sjednici održanoj 22.02.2021. godine, donosi

UPUTSTVO

O VOĐENJU I AŽURIRANJU CENTRALNOG REGISTRA STVARI, PRAVA I OBAVEZA IZ PASIVNOG PODBILANSA

(1) Ovim uputstvom uređuje se način na koji Agencija za privatizaciju u Federaciji Bosne i Hercegovine vodi i ažurira Centralni registar stvari, prava i obaveza iz pasivnog podbilansa (u daljnjem tekstu: Centralni registar).

(2) Centralni registar je popis stvari i prava sa pripadajućim kapitalom preduzeća iz člana 1. Zakona o privatizaciji preduzeća ("Službene novine Federacije BiH", br. 27/97, 8/99, 32/00, 45/00, 54/00, 61/01, 27/02, 33/02, 28/04, 44/04, 42/06 i 4/09) koja nisu pod kontrolom preduzeća te nisu bila uključena u aktivni podbilans Početnog bilansa poduzeća i programa privatizacije, a nalaze se na teritoriju država nastalih raspadom bivše Socijalističke Federativne Republike Jugoslavije, kao i potraživanja i obaveza koje su nastale do 31.03.1992. godine prema pravnim i fizičkim licima iz država nastalih raspadom bivše Socijalističke Federativne Republike Jugoslavije.

(3) Centralni registar formira, vodi i ažurira Agencija za privatizaciju u Federaciji Bosne i Hercegovine (u daljnjem tekstu: Agencija) u skladu sa Zakonom o početnom bilansu stanja preduzeća i banaka ("Službene novine Federacije BiH", br. 12/98, 40/99, 47/06, 38/08).

(4) Centralni registar se vodi u elektronskom obliku.

(5) Evidencija stvari, prava i obaveza u Centralni registar izvršena je iz usvojenih Početnih bilansa stanja preduzeća i Programa privatizacije i naknadnim saznanjima o stvarima, pravima i obavezama koje nisu iskazane u Početnom bilansu i Programu privatizacije.

Podaci u Centralnom registru ažuriraju se kontinuirano.

(6) Odluku o davanju saglasnosti za ispis i naknadni upis stvari, prava i obaveza iz/u Centralnog registra donosi direktor, supsidijarno zamjenik direktora, za svaki predmet pojedinačno, a na osnovu osigurane dokumentacije koja može biti osnov za ispis i naknadni upis u Centralni registar

(7) Ispis podataka iz Centralnog registra vrši se na način da se prethodni podaci ne brišu, nego se označavaju kao podaci arhive s naznakom datuma do kada su važili.

(8) Podaci u Centralnom registru čuvaju se trajno.

(9) Ovo uputstvo stupa na snagu osmog dana od dana objavljivanja u "Službenim novinama Federacije BiH".

(10) Danom stupanja na snagu ovog uputstva prestaje da važi Uputstvo o vođenju i ažuriranju Centralnog registra stvari, prava i obaveza iz pasivnog podbilansa ("Službene novine Federacije BiH", br. 36/13).

Broj 03-15-139/21
22. februara/veljače 2021. godine
Sarajevo

Zamjenik predsjednika
Upravnog odbora
Edwin Mehinagić, s. r.